

沃 帝淵太微執法光爛然 春宮向學開經筵一
日登對席為前顧公可試宜擢迂利器當遏端根宣
歐閩行莖而廣遠陽舒陰慘持化權幕非其人奚望
旗六十三家宋故官批之犴死何繁寬公為辯析皆
平反潘惟不支心則耳以死信理人所難維閩之南
大府泉昇公撫循面則高鋤難強梗安悖鯨風颿蹕
救教反海魚龍翻萬貨山積來諸番晉江控扼寔要關
勢取豪索非一端不動聲氣為周旋安溪有盜勢結
盤撞塘呼號動百千公然剽竊三十坪為一郡患何
迪遭公來約束無妄干老熊當道百獸銜一旦解刀
耕墾間溪山淡淡風日閑帥得其人人自安如君兩
除穢衡銓幕府坐嘯島化結蘭節疏目政猛寬四載

終更公執賢王尊虞謝相後先十年神劍埋山原鬱
鬱夜氣生紫烟何以驗之石有鐫

秋澗先生大全文集卷第五十五



秋澗先生大全文集卷五十六

碑

大元朝列大夫祕書監丞汴梁申氏先德

碑銘并序

大德改號歲之六月越二日癸巳祕書監丞申君敬
先詣太史王某再拜而請曰惟申氏遠有世緒逮我
先人學紹醫傳心存道濟惠及一方雖遭罹世故譜
牒墜逸然自高曾而下班班可考而墓隧無銘神道
闕表予小子大懼先德日遠恐泯昧將無以見於後
今粗有纂述俾昭示子孫以傳不朽者敢請筆於下
執事人以不敏辭者再請益堅乃為論次之謹按申
氏世居汴梁曾祖諱天祿宋徽宗朝以嬰兒科供奉

內庭門以金斗為識當時稱揚鑿藝精全者有金斗
申氏之目宣和末避地家秦州社樹坪祖諱良輔早
以方伎知名西土祖妣馮俱壽終葬天水郡顯考府
君諱仲康字西叔資稟寬裕有長者風弱冠值金季
流君陝隴間天兵下河南愛申裕間風土衍沃定謀
卜築以甲寅歲東徙今遂為南陽人府君世其業禁
方秘訣夙承指授復為談洽軒岐以來其書奧妙悉
精究其理學既博伎益工在醜不矜其能活人不期
其報過客病困逆旅及貧無資者家置病寮躬進湯
劑糜粥既平復量給路費以遺之遠近注瞻以材德
兼稱如南陽富民孟氏夫婦府君以伎能起其死約
兼金乘為謝后怙然不為礼或者不平對府君詔之

曰鑿以濟物為任若貪圖貨利為心豈天生俞附保
全大闕安羸劣之意哉予無復言客嘆服而退初府
君東徙聞盧氏守將堯里公賢而下士往依焉草昧
際舉族賴保翼一夕宋寇奄至批堯里而去以不屈
遇害能耳嶺府君聞之糾合義勇者數十輩匍匐奔
赴求得其屍葬祭遂成礼兵後內外宗姻散失者衆
求訪不少置得姨之夫樵翁於申女叔於穰下既孤
且寡收養終其身平生行義類此甚夥今特書其顯
著者識者謂府君為善不近於名尚義不謀其利躬
弗受祉後世其興乎以至元己巳歲季夏十有八日
考終牖下享年六十有七配宋氏系出京兆大家資
端重未嘗露嘻笑年既弃歸於我侍舅姑以孝敬聞

鞠育諸子極於勤苦後八年以疾棄養壽七十一祔
葬南陽縣東泓河之右薛家里子男六人日政嘗監
郡酒稅日整河渠使日敬即敬先日教早世日敏江
陵路鑿藉提舉敬先性資醇裕鑿學明敏切脉審用
藥精至元六年選充太鑿

世祖皇帝巡幸兩都北狩東征典司藥石皆侍其行
嘗于御前修製湯劑品藻藥性敷奏有條理
上顧而喜日汝身雖小口甚辨博又救治 元妃疾
獲良愈蒙賜玉鞶帶白金有差至元廿七年由御藥
院使陞授朝列大夫選丞祕省旌宿勞而從公論也
自昔銓衡經制以方伎進者雖有殊勤不轉文武正
班敬先讀書勵行有士君子之操故膺是除由是知

揚歷清要光顯於親者越茲伊肇敬以府君之積
起宗敬先之肯構克荷者 而銘之銘日

鑿師之良

本天恒德

挾藝時行

心貴專一

其視患者

罔有莫適

一盡我誠

爾表休悵

顯允申公

秉茲良直

四世三朝

戡司疾疾

神破易形

靈丸起廢

藥惠一方

心深道劑

羸劣獲安

烟我風義

活人活國

是乃仁術

陰積孔多

陽報斯必

篤生六子

李實良器

大我醫門

學稱善繼

藥籠流光

馨融

帝室

六脉和平

聖躬福益

三十年間

祇勤厥職

維皇念功

寵教優特

造名仙瀛

圖書東壁

紆紫腰金

揚休山立

匪汝是私

良用勸激

蒼烟故里

光賁丘石

刻我銘章

有煌申國

獨山鬱茂

白波蕩瀟

山川鴻濛

慶鐘未息

子孫振振

垂裕罔極

大元故奉議大夫中書兵部郎中韓君墓

碑銘并序

亡友奉議韓君之子冲既殫來謁心焉愴慕有慘而未安者乃出所壯父行曰孤不天先人早世平時所

期者遠大挾其所有以前而車傾半道念所御昌祚
惟是發越潛德使表見於後庶存歿少有攸慰公與
家府交敬而知為詳敢百拜以墓碑為請予以義以
分有不能辭者遂追叙而併銘之君諱天麟字伯昌
姓韓氏世為漁陽上谷人父瑋為人長厚儀觀秀偉
少應武舉金季嘗以勞任慶陽府司錄判官母王氏
誕昆季四人以次君為第三母以克肖故尤所鍾愛
長業法家學即能鬻然見頭角於筆行間師以能祿
之及為郡法曹獄無大小皆心極慮必盡彼辭情而
後已時有楊叅軍者詐冒兵儲公易市戶事覺 朝
遣官來鞠逮捕者數百家弊積有年不易措手知君
幹蠱摘之倚辨楊既寔寔無可得主者悉取償羅家

價從特重君曰不可盜糧者已有主名百姓初不預
知今從坐配償已是虛負取價合准出倉時估不然
將有破產不勝其弊者上官從之衆得以輕脫至元
二年辟克懷孟路從事四年勾補中書左三部令史
八年由考工轉御史臺有訴民自閩陝來未經有司
者議不受君執之曰民豈不知此顧憲臺為重因而
拒之將無所控告罪彼越驀理其寬抑可也事多解
釋以能遷吏禮部員外郎遂建言隨朝祿史已有出
職定例外路吏資亦當與議使至公均被准其事行
焉未幾迂奉訓大夫出為瑞州路別駕俄超授奉議
大夫常德路宣課都提舉先是凶宋稅場濫收奇零
等課名類甚多君稔其擾曰生財有源初不在此使

到官者權之有法所獲多矣於是六邑正額外一切
蠲去常人称悅反比附上額羨果倍蓰時方夏官徵
民負租追呼鞭朴急於星火君就府僚與議曰今新
陳未接人餬口不給兼積欠數多非一朝可辦急則
必倍息取貸或易及男女若爾是富益巨室怨婦公
家非特於征商有所悞也稍俟秋成徵之未晚用是
以停征八番大軍道鼎民被騷甚且沮恢辦有司禁
不敢誰何君詣行闡陳說主將喜為約束之市肆賴
以帖其乘機應變輸誠濟物多類此政藉甚而課最
省臺文章薦入授奉議大夫中書兵部郎中尋被檄
檢覈河漕回次濬之劉家渡以暴疾卒實二十二年
乙酉歲八月七日也享年五十有九以是年十一月

壬午葬郡西南親仁鄉康公里家塋慶陽府君墓古
從溝也君氣志明辨有幹局善當官好持論往往
出人意表其起身立事不資藉昆弟趾踵跡人後氣
之所克力取必至卓然自見於用者蓋天性然初韓
氏北故后居衛生事微父俾之經商辭焉曰從政固
所願也及顯達分有所資悉推讓不一毫取鄉黨義
之又患難解紛樂與人為善教子讀書惟恐其不至
配孺人梁氏元帥瑤之長女生子二人曰冲從事郎
太平 經歷曰中御史臺令史繼志治家大克播構
曰燕 梅童皆燕出四女已適名族者二二未笄銘
曰維天生材畀世作程吏以事主尤資者能理具
氣先 氣迥形倬彼韓御氣志遠閎揚歷臺閣外彪

中弼初轉栢府樂夫有行燕覃厥心豈惟祥刑彼良
而倬是大僂辱千里求哀情其可惜人以法辭我為
理出不以其嫌竟直彼屈天秩有庸曾聞內外由我
一言至公無私財生多源取自有體寡及屢蒙徒獲
而已以正以公所獲多矣倚嗟韓御用固強矯年不
志克宜若可悼我思古人云誰盡了圖維不朽君亦
少慰子孝而賢仕涂方軌振厲光揚儘濟厥美尚餘
幽光樹石表德揭我銘詩永勗耒耜

平陽程氏先塋碑銘

南陽府梓程君瑞不肖里閭都司趙公倩也故與定
交最早知行已頗詳為人亢朗誠直勁挺尚義而遇
事開談洞見晞瞻伸吾志而已而利而害初不計卹

由是振觸物論與時齟齬然識者以跡弛不羈許之
與君拜濶者餘二十載大德改號之春自武定終更
來京師僕方忝長翰林尊酒叙舊英邁之氣猶夙昔
也既而來請曰瑞始以孤童子入侍隸 昔刺謀大
子帳下逮事

定宗 憲宗時朝廷遠駐朔漠屢奉命使襄漢間為
互市官歲己未扈

世祖皇帝飛渡鄂渚戮力與宋兵戰有功蒙賜銀幣
有差及 上登極選備膳夫 車駕巡幸兩都征伐
宴犒割烹供辦蓋三十年于茲中間以軍國係重越
分肆直忤犯權倖致縲絏頻於不測者屢矣以鋒
氣侃侃事竟寔無他幸不死朝貴多其挺志弗抗奏

受忠顯校尉尚食局使又七易寒暑積前後勞官武
畧將軍出知奉聖州今調同知南陽府事自惟愚忠
朴直餘將無有供奉 闕庭寵膺民社秩中通忠竭
誠圖報之念日深一日奈桑榆景迫年與時馳而追
遠返本之懷朝夕是切相嘗倚居即是將起新阡奉
安考妣神靈又諗登仕版家先世塋域例有碑誌况

東西南北之人表識之建尤為切務俾子孫繼嗣

拜掃考其世紳里適追來孝免夫有旌紀寂寥之嘆

尚吾友惠顧賜之銘則程氏為不朽矣其以契舊且
素賞其方概迺為書程氏之先代世為平陽洪洞縣
村農家曾祖大父俱逸名諱所可知者曾祖生子四
人祖第三子也金末以勞劾嘗攝行本縣令有子玉

房行第八暨第九即其胤裔尚守遺業玉即瑞之父也府君慷慨重然諾風義矯矯有無與衆共之貞祐兵亂以武幹保完墟落

國朝壬午歲迎降

太祖皇帝從攻鳳翔用懷敵功總西京工匠年三十有九以疾卒夫人曹氏出扶風宦族生子五人曰實曰瑞即武略君曰西京曰當僧曰午兒實之子懷驢戕庖人氏次曰伴驢武略之子曰靈童新許之兆建於彰德府湯陰縣之北蘭里實大德戊戌歲某日也仍為發先世之替德懿行與武略之挺志顯親者為之銘俾光貴新墟昭示未者云其辭曰

維農秉志

篤於儉勤

服田力穡

鍾氣之醇

積厚植邁

嘉祥自甄

何以為驗

慶流子孫

椅欵程氏

植本浚源

藹藹風義

超越同倫

由農而士

奮起艱屯

克昌再世

攀附鳳麟

愚忠朴直

祇奉嚴宸

典司玉食

三十餘春

名喧禁籞

僉曰蓋臣

付之民社

賞其勞勲

載車五馬

卓蓋朱輪

大侈寵數

顯揚其親

有贊者忤

羨里北原

光融松檟

銘勒貞珉

何以訓之

孝義忠純

昭示不忘

垂裕後昆

大元故清和妙道廣化真人玄門掌教大

宗師尹公道行碑銘 并序

道之太原出於自然而隆而污繫夫世運頹人力有不能致者如甘河之異見於西秦崑崙之氣表於東海自非素鍾仙分價重一時疇克輔承者哉金貞元正隆間重陽王尊師始倡全真教法逮長春立公應期濟度道乃大行風聲洋溢丕冒海隅至於靜涵道幾動周妙用騷鶴馭之孤標謁龍庭於萬里絕塵而下稱繼述之善者我清和尹公其人也師諱志平字太和系橫海華胄大父而上世以儒業擢進士第歷郡守者凡七人因宦遊東萊遂占籍焉祖公直父誼皆融德不耀樂施與鄉黨以善人稱師生金天定己丑初母氏夢羽儀擁導若仙官迎謁者寤而定

師有瑞光盈庭之異既長資穎悟不允沓然泰定了知生前事讀書日記千言及冠行過道士自閑右來約師同詣文登醮祭歛失所在但見羽流乘白龜化現空際師恍恍感遇信道愈篤既而潛訪長生師於洛京父母教追止之至鎖閉靜室無幾遁去寓昌邑之西菴道家者流以禁睡眠謂之消陰魔嘗坐樹蔭下一夕假寐間見長生師厲聲曰向祖師來化汝尚未悟邪遂揮刃斷其首剖其腹滌易鄙俗去其自滿由是冒臆洞然靡有所惑二親知志已奪始聽入道明昌辛亥參長春公於棲霞遂執弟子礼久之偉其有受道資盡以玄妙付之曰吾性靈明如鑑不受垢常切瑩拭以湛吾天自是日有所得又問易原於太

古傳籙法於玉陽鍊習內精聲光外白遠近尊禮戶
外之僂滿矣維陽州將完顏龍虎素慕真風奉寧園
為菴尋賜額曰玉清觀師佩上清大洞符籙主盟齊
東者廿寒暑長春聞之喜曰吾宗教托付今見人矣
大元己卯歲

太祖聖武皇帝遣使宜劉仲祿起長春於寧海之崑
崙山闡師為其上足假道於維以見之遂同宣

詔旨先是金宋交聘公堅卧不起至是師請曰道其
將行開化度人今其時矣長春為肯首決意北觀選
道行純備者十有八人從師行為之冠致 春春隆
溼玄風逸倡師羽翼彌成之功為多歲癸未長春還
燕至太極宮師雅志閑適居緡雲秋陽觀成徒德

興之龍陽長春仙去命公嗣主玄教即建處順堂於
白雲觀奉藏立公仙蜕壬申四月

太宗奎格南還師迎謁於保賜坐論道聽論者久之
朔日 后妃臨幸祝香琳宇錫道經一藏自是四方
學者輻輳堂下歸依恭叩于于而未唯恐其後師猶
要訣誨之曰修行之害食睡色三欲為重多食即多
睡睡多情欲所由生人莫不知少能行之者必欲制
之先減睡欲日就月將則清明在躬昏濁之氣自將
不生向上達者率自此出人徒知從心為快不悟制
得此心有無窮真樂也癸己冬十月講道經上下篇
於義州通仙觀微俸與義大有發明及演七真造道
根源殊洒然也聞者為洗心鑿正閣為燕遼鎮山深

考雄贊必有弘演博真人往來其間甲午春師往
遊焉先是瑞氣葱鬱封鎖不散者決旬至是開霽衆
以為山靈開先之兆師謝曰吾何德以當之終南祖
師煉化地號活死人墓者燕沒日久仙樞浮殯朝夕
念茲若焚焚在疚乙未春闕輔略定師西遊併圖營
建又興復佑德雲臺二觀太平宗聖太一華清四宮
以翼祖觀初道出汾晉沁長杜德康請設醮錄方輦
啓玄鸞翔空仙侶散壇時雨濟旱丙申秋奉
旨試經雲中度千人為道士俾祈天永命禔福元元
師德望既隆所至風動雲委吏民瞻拜至竟悍無賴
輩皆感化弭服戎戎師壽七秩以教門事付真常李
公庚子秋英祖師於白雲堂會送者數萬人時久旱

雨雪盈尺咸謂孝誠所致繼董祖菴傳功壽 救額
曰十方大重陽萬壽宮初大定七年祖師火其菴東
游或惜之曰修人在後吾何並焉至是殿閣廊廡蕪覆
歷千柱終始六甲昭合祖意誠有教存乎秋九月婦
五岳舊隱已酉賜號清和演道至德真人金冠錦帔
付焉辛亥春二月十有一日沐浴易衣冠書頌曰觀
化八十三歲溥薄全真活計臨行踏破虛空開放光
明無際落筆而逝馨芬滿室三日不散臨死生際其
明了如是師既逝化以皓駒輿襯寧神五華其日終
南祖觀有一道士乘白馬來告清和去世竟不知所
之後訃音至考驗月日知為神遊化現吁亦異哉師
儀觀秀偉風度凝重如瑞人神士不可梯接然即之

春風和氣津津溢眉宇間樂頌所得誨誘不倦志尚
利物感應無方如在濰陽松柏不種自生其寓仙谷
叢竹一符卦教學徒徧四方觀宇滿天下德博道尊
過化存神之妙不能具載皆出於至誠感發無一毫
作偽之私宜乎傳嗣道統配列師真上繼長春下授
真常前後無媿可謂清而不耀和而不流克肖克荷
玄之又玄者矣師平昔所在求詩頌敬戒者無虛日
肆筆應答辭理可觀有葆光集北遊錄傳於世中統
建元誠明張公表師行業於朝道謚清和妙道廣化
真人制錡有性天開胡地坦夷接重陽道統之傳
為長春門人之冠宜錫號章永光仙籍之旨始終昭
顯矣法孫陳德定出延安士族師事真人門弟子重

陽知宮仇志隆以修進餘力參點符籙皆通習之居
終南四十餘年潔以修己耕而後食處高穴間妖魔
屢梗德定以正法神力悉驅除之由是名著秦雍至
元廿七年耀州少尹姚崇以聞蒙

世宗文武皇帝召至闕下試驗有徵寵膺玉鷲韶衣
之賚元貞二年賜號棲玄致道通真法師三年宣授
秦蜀道教提點醮門來請曰德定自惟托跡草茅何
以致此蓋遠藉先蔭恩効光揚師祖清和公之返真
侍即趙楠已表松臺祖菴之復實所權輿今紀行之
碑未克昭建是殆闕如提點溫某等五人已醮樂石
宰翰長先生惠之銘是亦不一書而止之意也予曰
有是哉探源報本乃吾儒美事道雖不同其理弗異

乃次其所具而重之以銘其辭曰
 天之蒼蒼一氣清 其視下也猶香冥
 真元有道本強名 俾而全之須人弘
 甘河感遇世已驚 風聲波動東海溟
 七葉泛灑金蓮英 至人挺出開世程
 崑崙山高古蓬瀛 長春再傳何德馨
 鶴馭九萬搏雲鵬 雷雨之動方滿盈
 為民請命以道寧 維持綱紀誰使令
 十八大弟光啟行 丘仙一笑盪上征
 清和進脩純粹精 傳授道統力主盟
 潔已應物謙而誠 拱壁駟馬非夸矜
 事惟無心物取衡 尹家樓觀青雲程

臺灣國家圖書館, NATIONAL CENTRAL LIBRARY, TAIWAN, R.O.C.

開天演化玄元經 全之為教乃大明
 繼說證說鍊此形 方寸莫遺三害櫻
 陰魔大嚼風掩燈 嗜慾一肆甚五兵
 顛木之折不少萌 昏濁之氣何由生
 志惟不分神乃凝 大賢大哲皆此成
 用之國治如鮮烹 重陽祖卷功勳興
 終南太華高稜層 玄風浩浩海宇傾
 竹宮醮祀儲祥楨 雨暘下遂萬物情
 錫民五福世道平 穰穰復正德往寧
 一朝倚蘭升紫庭 仙階霞帔光晶晶
 物緣太盛神或憎 進退合正聖所稱
 谷神不死存至靈 未妨委蛻仙山垌

瓊樓石室戶不高

神遊八表風泠泠

道傳千古垂日星

門人攀慕涕泗零

今或留語會有徵

茲惟華表歸來銘

衛州創建紫極宮碑銘

維衛紫極道宮全真師冲虛子房公所初建也初公
既參丘尊師於海上長春目其氣志非凡殊稱異之
居無幾何命公主馬坊之清真觀迨國朝壬寅歲
聊攝趙侯請師住持郡之玄都宮於是鶴馭東遊道
出敝邑及長趙寶扈林闡師道價重一時以治城崇
道里際地廣六十舉武繼則倍之奉師為玄覽別館
訖然許焉輟其徒張志洞等結茆以居常闢地得石
上刻宋太宰張邦昌詩刊為吳越錢氏子孫棣華

庵故基也師留博陸紀而西還淇上方獲滿戶外每
以居逸教元為慮因集其徒而告之曰吾大方家雖
清虛自然為宗要以應時衍化為重詎容山林長往歸
潔一已乎且吾行天下多矣未若衛之土中而處會
浴美而易化不於焉闡吾教尚何往然祝延寶供香
火焚修之所非大壯麗不足以張皇教基竦道俗瞻
敬之心也乃命門徒孟志玄趙志朴率眾下商洛之
材跋涉艱阻以歲月得木萬計遂建吳殿七巨楹內
設三清大像示至道之原也中起通明觀以奉玉
皇黼衣欽天帝之尊也後復作七真殿五道叙列仙
品是玄教之傳也下至壇墀神闥齋室庖湔庫蔬
圃莫不畢舉師素負巧思志堅而氣充規撫位置意

匠中定不待畫宮於堵而為批用者之法要使堅完
鞏固為數百年物尋師委蛻仙去遺命志朴等曰今
大功將集無以我存歿而作有間勉強前修以卒吾
志故志朴等三十年間焦心勞思攻若食淡繼述師
訓猶一日然今則繪彩供帳截然一新金光五雲絢
爛溢目宏麗靖深為一方偉觀其工費之廣自力其
力初不外假而衆忘勞焉實經始於壬子之春迨至
元甲申秋工告迄功志朴乃件右師之行業與夫興
造本末踵門罄折謁予文者再余以御梓歲殞且與
師有玄談之雅勉為叙次之師諱志起離州昌邑人
幼業儒既而以異夢有覺遂入道為人氣貌魁奇操
行清峻通古今善篆籀樂與名士夫遊至於醮祭之

獲福雲鶴之巖異所在播動世之耳目者為多遺山
謂師外朴而內敏質直而尚義似夫墨名而儒質者
蓋確論云耳其事業成就如此至元戊寅志朴以師
德請于 朝蒙 敕定仙號曰弘直體靜真人若志
朴者於師弟子之禮始終盡矣尚猶以師不觀道緣
大成為蔽予繼之曰不然昔真人舍清真而遊博去
博而終稅駕於衛今雖神遊無方其眷戀於此也必
矣况共衛間名山勝境固為小有洞天如玄元化現
於仙山公和舒嘯於蘇門海濤留題於白鶴仙蹤靈
蹤前後接踵見於方志難出於傳記之說者昭昭矣
異時馭風騎氣追陪真仙安知不過故山而留語俯
華表而增懷而為孫劉絕塵之舉也邪仍作歌詩詳

是師志俾刻諸樂石雖綿亘千祀盛幾來者有所考
焉其辭曰

道家者流本靜清
香真而無迹與形
宗慈尚檢貴不爭
茲乃黃老之常經
有時土直為世程
祈讓醮祭由是生
像緣教設雖強名
雄樓傑觀爭崢嶸
猗嗟先生起營陵
魁階德業玄門英
至人未免安素行
河山兩戒盤金庭
方花古礎排巨楹
紫雲為蓋青雲城
羣仙媿統頂皇靈
紫垣落落羅天星
先生演化意有徵
俊孰倦焉先此營
庶用張本道可興
陰助政治歌清寧

大緣未竟故上昇
門人攀慕涕雨零
歲祭日積大有成
惜不久視為宗盟
仙宮洞房本不高
神遊八表風泠泠
來過故國宜少停
紫極夜氣開蓬瀛
追攀逸駕非吾能
尚想為國儲休禎
風時雨若穀不螟
下洗澆俗還淳誠
戎詩刻石何千齡
要作華表歸來銘

秋澗先生大全文集卷第五十七

碑

輝州重修玉虛觀碑

嘉平道士介煉師范君贊禮幣來謁拜而請曰敬觀
在蘇門頤惟狹陋然歷年久實為自昔名額敢託斯
文俾見興造本末暨師真住持所自用傳不朽迺宿
昔所願見幸憲使惠頤越為光有赫按所具事狀州
西郭曰草市城北走出廣新門百舉武有觀曰玉虛
攷其肇基蓋始於前宋政和間所建大定初仍賜今
額為正殿一旁小殿二中設三清四聖元辰等像函
文後列神閣前敞下至真官齋壇賓客庖庫之位咸
叙而即宜承平久法供大行鐘磬齋魚之音隱然聞

秋澗先生大全文集卷第五十七

碑

輝州重修玉虛觀碑

嘉平道士介煉師范君贊禮幣來謁拜而請曰敬觀
在蘇門頤惟狹陋然歷年久實為自昔名額敢託斯
文俾見興造本末暨師真住持所自用傳不朽迺宿
昔所願見幸憲使惠頤越為光有赫按所具事狀州
西郭曰草市城北走出廣新門百舉武有觀曰玉虛
攷其肇基蓋始於前宋政和間所建大定初仍賜今
額為正殿一旁小殿二中設三清四聖元辰等像函
文後列神閣前敞下至真官齋壇賓客庖庫之位咸
叙而即宜承平久法供大行鐘磬齋魚之音隱然聞

山水間蔚為共前儲祥勝地壬癸兵餘日就荒落厥
後清虛弘道真人來主治之日峻星壇稍復於舊尋
冷公西歸為之通妙嚴君顯奉師訓惟恪乃創水磴
稻田楮莊等業雖罄刮衣孟資贍徒侶大有方便丙
申冬嚴既示化真人志慮弘深召上足道真師梁志
一謂曰玉虛道場競爾於共今繕修頗完資用苟有
第道匪人弘何以行遠矧共山群彥所集半為方外
眷屬微汝曷克洞玉清之虛靜承文獻之顧接哉於
是唯而來嗣飭治焚修其用充儼已有者守之日固
方未者增而歲新復於百泉西涯買田教誦察致爽
亭貯經史植松竹號嘉惠別館娛言一室閤開儒墨
暇則鼓琴詠歌將以挹蟾房之景氣接鸞鳳之遺音

豈惟與泉石而為伍也予齋姚公愛其幽勝亦嘗徇
祥其間與師為蒼烟寂莫之友傳曰尚友知人謀之
為道藥可見矣既而師倦勤盡以後事付高弟道燦
燦為人姿疏秀氣爽而蒙蒼志繼而本立守護傳
惟恐墜越其徒稱之曰能燦姓張氏自童行入道今
三十六年矣嘗觀道家說有玉清玉虛等號亦猶天
有九霄神霄為最高然冲而用之於道體何在是固
老子法虛心實腹守為清修要者蓋心不虛則道無
以入物無以容教無以受而腹無以充矣坐進之功
苟疎疑存之理或熄若道燦者法壽方尔主治院門
甚力至於接外務崇本宗誠能中虛而應物以道腹
而充腹者哉正自師祖師梁庸玉汝於成之旨也若

然則其為後來紀綱是者於而式之繼為不朽無窮
之傳也必矣仍為門人作詩俾歸來望思以極道真
之本其辭曰

蒼蒼共叢桂連蹇兮香馬予懷仙遊遠兮山空日寒
張疊嶽兮宮居粒食思展轉兮遐想仙標玉雪質兮
彤車載花紅一色兮醉鞭星馭金乳蛇兮批糠塵世
宅閭苑兮嗟嗟堪興一烘爐兮注古來今燦無餘兮
世外無物須人徒兮刻滌玄覽歸靜虛兮服餌節飲
差少瘡兮弱志強骨壽吾軀兮庶幾真塗師同符兮

大元國大都創建天慶寺碑銘 并序

大雄氏之為教如慈雲慧日覆盡無際惟得其道
乃大行宮居像設亦從而熾盛之我

國家鼎定全燕教隆內典故精蓋勝刹柱嚴寶界金
碧相望有佛國大衆氣象惟永泰寺肇基自遠彌陀
者泰之別號也大安兵燹廢撤不存鞠為茂草者五
十

大元至元壬申有僧雪

始來結菴而主之

先是師業嗣法猶密潛天德以經戒嚴機鋒峻越在
雲朔名動京師嘗假息間有以天慶名所棲而告之
者初不論其故既而駙馬高唐郡主聞師名德喜
之既觀止即依慈蔭扣真詮師順事 方日有所覺
以至承噴獲譴非罪而罹苦毒者因師一言多所縱
釋其後王請師住豐之法藏院仍贈具錦法衣用者
顯異壽以道行 上聞有詔所在護持及觀光大都
郡王乃出重幣易是院為師待間駐錫之所與其徒

奉香火修潔精進而已至於建大道場擴充無量功德蓋遵養而有俟也迨甲申冬皇孫紺麻刺以師持誦保釐故欲辟靜室處之官府辭不可翼日出貨泉二千五百緡泊名驛二仍諭留守段碩蓆事丞張九思即所居庀徒歲事起三大士正殿丈室七巨楹下至門閭庖廡賓客之所略皆完美始於乙酉之春成於丙戌秋仲役初作闕地得廢鐘所刻天慶二字考之蓋有遠建禘也事竣既協即為新寺名額於是倚醉像於金光沸潮音於空條有來諸天普臨獲樹額設永泰廢餘復為清涼法觀矣後三歲奉皇孫奩香札江浙各刹造藏經師冒涉江湖往返萬里存仁過化高風所及奔走供養且有金仙通靈

伽藍主護之應吁亦異哉凡得經四藏計二萬八千餘卷分貯大都之開泰天慶汴洛之惠安法祥及永豐法藏院仍以法物付之使人無南北通暢玄風壽聖皇贊寶緒天花雨紛梵唱雷動日開八方之供者此師之所圖惟也宜其經來神衛號應基先雖老栢重榮神松回指有不足過者遂不千里遠持待制王之綱事狀以寺碑來請曰山僧空疎無足比教以義以解尚憲使與頤以銘章觀之始終之願畢矣予以師喜儒學有器識所交皆藩籬大臣文武豪士緩急於士大夫周旋不榮悴間辭紛振之要有實效然去耒其間殆雲凝而風休也嘗即寺雅集自鹿庵左山一大老以下至野齋東林凡一十九人作為文字道

其不允時方之蘆草蓮社云是亦將因儒釋僧之特
達者也且其行業成就如此固可以著金石而垂不
朽矣師諱普仁字仲山姓張氏雪堂其道號也世為
許昌人父世榮官至豐州司錄叅軍母夾谷氏師生
有禎祥甫毀軀不葷酒嚼初祝髮於壽寧甚老再具
戒於竹林雲和尚及叅永泰贊公一見器異即蒙印
可至有機鋒洒落瑩徹氷輪頭角崢嶸光騰星緯之
喻贊汰出臨濟第而上之師乃慧昭十九代孫也過
鎮陽樹碑表行潛源接派以昭其本於尊祖追遠光
又赫焉余嘗論天下之事雖小大有殊疇昨注指皆
有本末就釋氏教論之佛法者本也塔廟者末也崇
其末而遺其本求進於道亦已難矣若師也可謂持

用有方審所先後者哉乃隨喜贊嘆而作偈曰

道之大原出於天 物生而靜乃本然

扶持有術繫後傳 惟聖日遠溷其言

奪攘鳩愛紛目前 佛來自西來空乾

慈悲齊度心為先 衆生迷惑不知覺

沉溺若海甘流連 人又安得以手濟

以法為世經為經 奉持頂戴破黑業

火宅變幻生青蓮 龍宮紺殿儘瞻禮

具香須滿黃金田 阿師振錫下南海

豈為頭角爭昂昂 向來四萬八千偈

重與震旦開經筵 燕豐汴洛還舊貫

佛界珠網搖秋煙 群昏再曉搏至善

如夢日月金沙洲 漢人得經總四十
未若此舉思無邊 功圓行滿師不有
歸之

帝孫祈永年 八方奠枕磐石靖

天子萬壽南山堅

聖孫神子履不億 惟城惟藩復惟宣

歸來文室炷香坐 但覺鐘鼓清而圓

從此婆羅漫樹底 知師澄定草鞋禪

大都路鄧州隆禧觀碑銘

鄧州距今新都東南百里而近本漢泉州地遠為鎮
而七金縣焉兵後并後漢索僅存縣治不隘平衍渾
流芳浚映帶左右建元以來春水

羽儼歲嘗駐蹕民庶觀羽旄之光臨樂遊豫之有賴
故生聚市閭旋踵成趣至十有三年遂升縣為州
從吏民之請也爰有道館據城西北維亦由是而
修崇焉任持圖素大師劉志實者許之長葛人夙秉
淑質自童行入道師布真劉志永永即長春丘公高
弟清虛端志各一再傳也初師承誅節於都之東郊
剗心生忘礙塵空窳者十年盤山王樓雲道價高一
時歆其精修枉道造謁自號麻衣老壽八十有四怡
然而逝師之在弟子列也侍晨昏服勤勞人所不堪
已自若也積寒暑三紀猶一日然麻衣見其持守不
易皮毛盡而真實在可與有立於是通真觀屬院
曰王晨菴者令主張是戊午間誠明真人爰其地佳

而氣魄囑之增建以應有開之先始焉荒廬二十餘
畝敞屋數間蔽風雨而已師乃以和光同塵朴實感
物為方至一紳欽向願言信施有不期然而然者助
益既多功用漸集遂起三清殿繪玄聖於堵所謂上
九位者居其中又畫日月星官歲德師聖岳瀆等神
列侍兩傍雲舒霞蔚影彩絢目殆玄像肇分端倪呈
露下至嚴裡有壇靜棲有室凡所需皆具以屋而計
者三十楹歲時清供真仙來臨鐘磬之音隱然空際
誠迎祥之別館一方之榮觀也既落成洞明宗師以
今名榜之及玄逸真人張公嗣教嘉師之勤命書石
以昭厥後遂介鍊師劉文甫來請銘予以謂肯心而
構易固而新豈惟瞻者增敬其因衆成功同延慶壽

峇鴻休而半師志使未者祝嚴罔逸而隆福降簡穰
之本是固所當書者仍以黃庭七言辭歌以系焉其
辭曰

道家者流玄默稱

把持其雌無所矜

居屋火食相奉承

為飛戾天魚在泓

疇不若尔休其生

爰因像設心自統

仍用善俗滋良萌

鄴州維南泉故城

玉最有庵無所營

敞廬數間僅曠併

一旦締結三十楹

烟光剗剗萬瓦青

正自肯構今有成

要擴師授昭予誠

為國迎祥禱上清

鑿輿歲幸實省耕

延芳春水紛霓旌

遊豫何翅歌三登

千秋萬歲業事并

道人百拜乞此銘

隆禧因之播永馨

雲間數賞聞煥嘯

安知不有成公興

大元故閩西軍儲大使呂公神道碑銘

盡瘁以事上忠也守志以完節貞也忠貞之澤流潤
後人俾功名奕葉富貴一時而親弗逮者天也故聖
人垂光揚之典可以貫幽明而慰存沒斯亦孝之至
義之盡也若夫負卓越之奇材抱奮勝之逸志起家
侍從收功轉漕臺閣藉風雲之舊門旋茲組紱之榮
始以故家遺俗終以令聞令望振門闥而紹先猷者
吾於遂城呂氏見之矣呂氏世為燕陸鉅族值金季
槍攘譜牒墜逸高曾而下滂不可昭穆公諱嗣履字

昌齡考諱祐任

皇元由行尚書省掾充諸路人匠府總管妣李氏公
幼喜讀書不從孱兒嬉既冠氣貌魁傑學通經史善
騎射長於鋒令思以奇節備論表見於世耻齷齪出
人後時朝廷遠控北樓 詔龍門劉公元帥黃公
行臺於燕柄用頗端共公策時務所急及便益民編
者十數事以撼二公果奇其材識以國士許焉既而
挈之北覲引現

太宗皇帝薦其材應時需堪備供奉

上偉其儀觀收隸御帳下碌碌初無所知名居無幾
何譯語國體閑習通曉如素宦於朝者由是稍得近
侍 上前公資聰悟應對周旋動協睿思自爾顧遇

頻異出入殿庭寒暑夙暮十載間謹畏小心未嘗易
常度 上審其可用命提點尚食局事 國朝大事
曰征伐曰蒐狩曰宴饗三者而已雖天廟謀定國論
亦在於樽俎饗飲之際故典司玉食供億燕犒職掌
視前世為重九羣臣預豫術者冠珮服色例一体不
混有號曰只孫必經賜茲服者方獲預斯宴予以別
臣庶疎近之殊若古命服之制公前後被賜只孫錦
服十餘襲寵教之隆于斯可見歲己未

憲宗下詔伐宋車駕由隴山道漢蜀趣合州之釣魚
山大兵既興糧餉為大計庭議推公宜膺將漕乃降
璽書金符充闕西興利軍儲大使公轉致有方給授
均一士無飢餒之色民竟飛輓之勞竟用勤劬致疾

以庚申年正月廿四日卒於京兆府官舍得年四十
有三歸葬陝武之西原從祖窳也公資個儻有大志
奉 上忠事親孝交友誠進不隱謀退無私議古今
成敗胸中皎然吻繼波濤屢中倫 慮材優器幹事
無盤錯督力方剛經營伊始謂利澤於人功名昭
於時可力致也一旦濟浩浩之長川中流柁折涉漫
漫之遠路半道車傾士論于焉為之歎惜夫人王氏
系保定大家姿溫恭靖淑公歿之歲纔廿有八舅總
匠府君尚在堂二子方髦亂挺志自誓仰事俯育元
起夫宗為任遂嚴奉舅璋壽終八秩教育二子至於
成人為長子澍娶金名臣追謚通憲先生梁公孫女
今以才華英邁練達政務任樞幕經歷為次子淵娶

漕僚清苑王君仲女資秉幹敏棣萼輝映任承仕郎
管勾中書承發司昆季選名朝籍校世宦故家不失
舊物皆由夫人節義有方以之扶持者也姻戚鄉閭
至愛稱行美取為訓範女一人適大都郝氏孫五人
澍之子道安女惠萬澍之子定安季安賜安壽五十
一終於大都私居之正寢越三日附安玄堂實至元
八年十一月十六日也澍既長樞幕秩中通貴一日
與弟淵謀曰今粗有所立猥荷新薪可不知其所自
邪惟我先人大志不遂費恨下泉妣貞幹內事克隆
遺緒潛德遺淑大懼墜佚有求銘太史揭石神道貴
松楸而垂示不朽融管形而發越幽光罔極之恩庶
幾昭報通以不腆之文采請某自惟首任裏行與澍

婦翁孝可定交時澍方聯姻媿自是交義日篤于今
三紀以契以舊有不得辭者謹撮其義烈言言振衰
風而厲薄俗者銘之其辭曰

惟趙北際

保為名城

風聲氣習

而燕與并

越此兩間

古多英豪

游談尚氣

芥拾功名

矯矯呂侯

資秉忠貞

濟以學問

又多藝能

文武備具

富之邦經

囊錐脫穎

已為世驚

一朝麟趾

來儀紫庭

入侍帷幄

即允帝情

錦衣分賚

寵教光榮

佐商有道

奚翅割烹

大駕南征

如雷如霆

食惟兵本

以先啓行	曰轉曰漕	職焉汝勝
民安飛輓	師樂均平	心計艱美
以經以營	鴨圖海運	九萬初程
一憤不起	其孰使令	秦川慘澹
有來英靈	不隨朝露	盍馬涕零
化之闡壺	義烈烝烝	二子承履
若綬彩纓	婉婉幕畫	執樞之衡
顯揚有例	聖經義明	卽宰西峙
雞距東傾	武隧西原	風水攸寧
葵復從祖	多祉是膺	元身不殁
永振家聲	古所謂不於其身而在於子孫者	
其言有激	何以驗之	視我刻銘

大元故昭勇大將軍北京路總管兼本路諸軍與魯總管王公神道碑銘并序

國家當肇造際所在豪傑應期效順昇世茂疊將鎮
 據一方父死子繼兄沒弟及蹈故步而執成規固自
 若也迨夫守成尚文登庸賢俊適迂調而革舊習明
 治道而考殊功所謂開闔子弟持崇高之体不學無
 術噤不能有所施為僻員而尸祿者多矣論其藉父
 祖之緒餘卓尔以才保著聞膺朝廷之選遠藹然稱
 為良牧伯者誰乎予於孤竹王公見之矣公諱遵字
 成之世家平州之迁安縣祖諱誥以金貞祐初任興
 平軍節度幕官攝府事方

大元經略中夏

皇太弟國王奉命出兵出榆關循遼虛塞而南雷辟
電激所向無前府君審天命之眷臨憫生民之塗炭
遂挈二州五縣版圖投獻轅門王嘉其忠赤首倡大
義即聞於

太祖聖武皇帝蒙授榮祿大夫興平路兵馬都總管
知興平府事尋錫金虎符加左副元帥兼安撫使父
諱德明字才卿早嗣世爵屬遠右初定撫養遺黎職
修藩翰光奕先業馬公幼穎悟好讀書年未弱冠入
侍藩邸即能練習國體通曉譯語及長資沉毅負高
氣所交皆一時豪傑立志宏遠耻碌碌隨人後歲戌
申襲父職仍佩金虎符公自祇承先政夙夜惴惴惟
恐失墜視民事為難不敢忽易遇政令之不便時俗

之未安思而不置憂形於色必咨訪吏張俾理順事
得而後已未嘗恣情號於將宴二十年間猶一日然
成謂臧孫有後於魯榮祿之澤未艾也辛亥歲入覲
憲宗授本路總管兼萬戶俾專兵民之政殊光寵也
世祖皇帝踐祚分朔南為十路肇建總管府以公奕
世材賢授平涼路總管換佩金虎符且有奉公忘私
當副所委之論至元乙丑轉官制行授懷遠大將軍
知中山府事三年升昭勇大將軍彰德路總管六年
改懷遠大將軍總尹順德路九年復昭勇大將軍升
授太原路總管兼府尹本路諸軍與魯總管十四年
迂北京路總管兼大定府尹以疾不赴廿一年上章
致仕日與故交雅士用琴書棊糊相娛樂序宿好暢

幽情裕如也不幸於至元廿五年正月廿有七日薨於私第之正寢享年六十有四越七日葬于迂安縣東石橋西原祖塋之次夫人安氏山東東西等路宣撫使安公之女和柔貞順光慎婦道今壽登期顯夫人高氏出盧龍處士家資賢明勤於內助主持家務營辦公喪預有力焉子男五人曰國彥蔚州採木提舉曰國傑俱先公沒曰國英不仕曰國士早世曰居仁高所出忠姻枝尉湯陰縣尹子女三人長適宋氏次畢氏嚴氏男孫三人不花永興 公資雅重智

慮周密奉忠接下有禮善養名馬識別鷹隼衣冠修潔車徒閑雅有承平豪貴風度人徒知氣習休觀顯養如是而已不知其當官蒞政持法謹嚴聽斷明

察以公正自處凜然有不可犯之色務要紀綱立號令行其治相尹并皆監司理所工匠群不稱之所集公與辯曲直折姦橫不緣髮貸同僚以相假藉示并容為言曰為之在我者當如是因公道而致私憾吾不恤也雖時不相能後竟以事直而心服焉所至興修廣學尊祀師儒崇禮讓而抑豪強致差賦辦集民安俗阜然悃悞無諱不示裱褙持守剛果終始如一故治績混然不可指摘有古良吏風當中統至元間聖天子勵精政事以成効責中書一時宰輔皆極老成選咸謂素無選舉篤責之漸惟師帥得人上澤可下宣下情可上達庶幾德化之成太平有象矣故各路總尹慎擇其人至有虛曠歲月不肯輕以畀受者

公之擢拜適丁茲時故四歷名郡而增崇資皆出公
論之所在卒以戢稱聞已足以伸眉高談有光故家
含笑瞑目無愧先世矣公既葬之十載嗣子居仁念
潛德遺懿恐遂湮沒聞不肯久忝太史屢銘當代名
公貴人乃伴右事狀請碑其神道向公移鎮洹上不
肯適退居淇右相衛之交相去不百里迨尹晉陽亦
判平水幕汾晉兩府南北相望故稔知其政績後以
迎迓事南未會遇於張少尹吳公館張與公為風雲
故契談其家世行已為詳是則今日論述已有開先
之兆矣敢勉為次第而重之以碑銘曰
遼西惟漢右北平 自昔用武地必爭
榆關北控盧龍橫 夾右喝石山海崑

沉雄氣鬱貫斗精
天兵南下轟雷霆
惟先奮效忠與貞

王公孳秀時之英
羣情恂恂孰敢嬰
玄黃于篚

王師迎

西州十里不震驚

寒谷陡覺春陽生
載世柄總民與兵
鷓鴣變化天東溟
修文偃武論治經
罷侯置守除內仍
漢二千石任可勝
剴裁錯節需鋒稜
大綱既振道自弘

風雲灑景同翻騰
一朝繩武光嗣承
六合澄清朝日升
唐虞黜陟公幽明
德讓凜凜望久凝
政刑相時量重輕
善良與護奸惡懲
興庠育材昭世程

吏畏民愛風化行 歷典四郡稱循能
趙張才氣耻近名 白頭一節匪變更
庶幾無忝先業榮 世期福壽方川增
勤勞致疾孰使令 生存華屋丘山零
嗣惟克肖孝誠 銀鈞翠琰勒戎銘
蔽芾用播甘棠聲 遺黎伏讀為愴情
墮淚當與征南并

秋澗先生大全文集卷第五十七

秋澗先生大全文集卷第五十八

碑

渾源劉氏世德碑銘 并序

金源氏崛起海東當天會間方域甫定即設科取士
急於得賢故文風振而人材輩出治具張而紀綱不
紊有國雖餘百年典章文物至比隆唐宋之盛若夫
篤志力學挾藝應選首破天荒魁冠多士父子昆季
相繼擢第為名士夫作良牧守文行端雅門第清峻
為金朝第一流者其惟渾源劉氏乎劉氏出彭城望
族五季板蕩播遷朔土遼未遠祖諱用者居弘州順
聖縣之耀武閔世業耕稼生子翰贈承德郎配張氏
追封彭城郡太君生撫字仲謙即今監察御史鄰之

吏畏民愛風化行
趙張才氣耻近名
庶幾無忝先業榮
勤勞致疾孰使令
嗣惟克肖孝誠
蕪芾用播甘棠聲
墮淚當與征南并

歷典四郡稱循能
白頭一節匪變更
世期福壽方川增
生存華屋丘山零
銀鈞翠琰勒戎銘
遺黎伏讀為愴情

秋澗先生大全文集卷第五十七

秋澗先生大全文集卷第五十八

碑

渾源劉氏世德碑銘 并序

金源氏崛起海東當天會間方域甫定即設科取士
急於得賢故文風振而人材輩出治具張而紀綱不
紊有國雖餘百年典章文物至比隆唐宋之盛若夫
篤志力學挾藝應選首破天荒魁冠多士父子昆季
相繼擢第為名士夫作良牧守文行端雅門第清峻
為金朝第一流者其惟渾源劉氏乎劉氏出彭城望
族五季板蕩播遷朔土遼未遠祖諱用者居弘州順
聖縣之耀武閔世業耕稼生子翰贈承德郎配張氏
追封彭城郡太君生撫字仲謙即今監察御史鄰之

高祖也始釋耒耜習進士業當遼金革命擾攘際學
未嘗一日廢天會二年肇闕科塲公以詞賦第一人
中選惟遼以科舉為儒學極致文體龐雜萎蕩視晚
唐五代尤為早下公勵精種學文辭卓然天成妙絕
當世一掃假貸剽竊牽合補綴之弊其後學者如孟
宗獻趙樞張景仁鄭子晦皆取法焉金國一代詞學
精切得人為盛由公有以振而起之也釋褐右拾遺
轉知天城陽曲懷仁三縣擢大理正迂平陽府判官
安東節度副使兩貳大理寺出刺石州累官中大夫
年六十三卒於位翰林學士張景仁碑其神道公性
淳厚見義固執待物誠好誘掖後進三為理官議獄
主恕不屈於權貴故多平反尤長於治民興利除害

若嗜慾然施設有條理簡便可持久所去見思圖形
奉事素愛渾源山水幽勝買田家焉晚号南山翁夫
人渾源雷氏北京轉運使思之女封彭城郡君生四
子曰汲曰渭曰滂早世曰濬汲字伯深穎悟絕人早
傳家學與弟渭同擢天德三年進士屢為州縣有聲
累官朝散大夫應奉翰林文字西京路轉運司都勾
判官平生寡合不羈慕林宗黃叔度之為人晚節部
倦於游宦放浪山水間以遺興讀書為樂称西高子
述壽藏記叙其行已甚悉卒年五十八鄆王府文學
陳訥銘其墓有西高集行於世屏山李之純引其端
娶曹氏追封彭城縣君一子品字稚川大定十年進
士第積資奉直大夫豐王府文學兼記室叅軍孫一

從夔字和卿奉戒出身善作詩曾孫文祖渭字仲清
少好學克紹箕裘既登第授承德郎知秦州隴城寨
事調隍州軍事判官終朝列大夫寄嵐州刺史號
老人一子介河水泊酒監曰濬迺鄰之曾祖博學
強記少有聲場屋間既而用蔭入仕至安遠大將軍
饒陽令配張氏封彭城院君生四子似似儼侯似字
稚行宣武將軍真定府軍資庫使三子從善字澤卿
彰德府酒監從臯字平卿從昇字礼卿武義將軍克
勝軍副都統孫五人曰邵武義將軍曰邛等俱早世
似字稚章孝敬友愛出於天性力學能文稱其家聲
四試于庭不偶用恩賜第授承仕郎華州教授再任
承直郎主沂水縣簿娶王氏封彭城郡太君壽五十

五終於家遺文雄深簡古有迺祖風嘗訓子孫曰為
士當先行檢如絲之潔將立其身慎無點汚汝佩吾
言則無忝矣故屏山李純甫表其窶曰善人劉公之
墓其為士夫之紀蓋可見矣一子從益字雲卿自髫
髻時已有成人度擢大安元年進士乙科調鄆陽丞
長葛簿陳州防禦判官皆有治績投機應變措畫出
衆意表進提舉南京路權貨事丁沂水君憂起復拜
監察御史君負材尚氣資之以學欲使事業表表大
見於此一旦戕與志合所言 朝廷紀綱時政利病
竟與宰臣辯論得失不屈去戕閑居淮陽與諸生講
明伊洛學久之選令葉縣至則鋤強剔蠹豪族惡党
禁不敢少肆請免逋租三萬石致流民自歸者口教

十大起孔子廟既樹教本集諸生肄習其中風化大
行考課為河南最未幾召入翰林為應奉不踰月而
卒得年四十又四雷御史淵誌其墓趙翰林秉文勒
銘神道皆稱其器識明敏剛直敢言學可以輔政教
材足以濟時艱賈志以沒士論惜焉葉民至廟而祀
之孔子稱遺直遺愛者豈近是邪遂門其自號也蓋
取南山翁誠子詩元自蓬蒿出門戶莫交門戶却蒿
蓬之句有文集十卷粹而賻通而不流類其為人兩
子嚴氏封彭城縣君子二祁郁祁字京叔少穎異為
學能自刻勵有奇童目弱冠舉進士廷試失意即閉
戶讀書務窮遠大涵涵鍛淬一放意於古文間出古
賦雜說數篇李屏山趙閑閑楊吏部雷御史王溥南

諸公見之曰異才也皆倒屣出迎交口騰譽之及與
御史公退居於陳相與講明六經直探聖賢心學推
於躬行踐履自是振落英華收其真實文章議論粹
然一出於正士論戊謂得斯文命脈之傳士辰北還
鄉里躬耕自給築室榜曰歸潛歲戊戌

詔試儒人先生就試魁西京選山西東路攷試官
後征南行臺拈合公聞其名邀至相下待以賓友凡
七年而沒享年四十有八翰林學士王磐誌其墓娶
史氏洛陽名族一女適前監察田芝子文冕一男景
山終國史院編修官孫一興同有神川適士集二十
二卷處言四十三篇歸潛志三卷行於世郁字文季
亦名士中統元年肇建中省辟左右司都事出尹新

河召拜監察御史能文諱工詩翰別號歸愚卒年六十一娶趙氏前禮部尚書璜之女一子景嵩鄴字伯震一子景峦儼字稚昂鄴之祖也登永安二年進士第累官至中奉大夫祕書少監壬辰北渡痛宗國云亡蹈河而死配李氏封彭城郡夫人三子從禹字虞卿登正大七年辟賦第官至朝散大夫同州錄判一子曰都從愷字舜卿自幼卓犖不羣稍長入鄉校擅能賦聲再舉不第就廕補官授武義將軍登封主簿已而綜覈縣務東濕吏曹人不敢以少年書生易之國初生聚稍集遴選賢能亟於撫字辟府君攝領韶州事繼真授宜陽令縣當兵後無事草創高一下車廉知其利病休戚斟酌而更易之凡科取差徭

必驗其等第俾均輸焉暇則集俊秀於縣庠講明礼義美善風俗為政才朞月而頌聲四達終更授河南府路經歷素精吏事婉畫恢恢刃游餘地致六房無滯務公餘與紫陽楊文西庵楊公九山李子徵薛庸齋微之鵬詠於泉石間中統四年正月廿八日以疾卒於松居之正寢壽五十有五娶張氏宣德望族貞靖柔懿自在父母家已稱純孝及歸于戎事舅姑恭順飲食服御非經其手不進也終於至元廿三年十月廿日享年七十有五子英合人鄴字君美平江路人匠提舉至元三十一年十一月以疾歿得年五十有五配段氏享年四十有九鄴袁部場管勾鄴才識警敏練達時務由省掾授承務郎工部主事次陞承

直郎順德路總管府判官選充監察御史女二長道
渾源州王氏次適應州元帥端公之孫孫五紹祖江
浙省宣使慶祖澂山巡檢繼祖勝童乞童從稷字賢
卿終濟南路儒學教授三子曰郇曰彬曰郛 承奉
班祇候遂州酒監一子從周字文卿劉氏先壠始葬
順聖之耀武閔南山翁從祖塋於渾源縣東北黃鬼
鄉御史君以世故流離起先塋於死丘神川旅殯涇
水歸愚定安燕山今鄰奉大父中奉公衣冠及考妣
樞安厝於河南北邙之原是為渾源劉氏洛陽新阡
鄰復欲彰先懿昭孝思圖不朽論不肖嘗問學於神
川先生知其家世頗詳持張陳李趙雷王諸公銘誌
求述世德碑以徵列後進年迫衰謝不能發越先賢

事業且何敢乘筆於諸名勝之後堅辭者久之鄰復
曰金亡士之北渡者百不二三今消磨已盡求接見
先輩老於文辭而最知名者莫公若也今弗惠顧則
先世之事將何於托不獲已乃採摭諸公緒餘及已
之見聞而知者會歸其極而系之銘銘曰

漢庭射策

貢士遺風

排斥百氏

仲舒是崇

唐文三變

敗北無從

振起衰彌

尊昌蔡公

兩公傑出

莫之比隆

考其微裔

孰繼芳遊

大名難再

氣數奇窮

金源立國

網羅才雄

首魁多士

惟南山翁

程文妙絕

一世師宗

當時景仰

韓董攸同	子孫克肖	家學是攻
魏科七決	聲華摩空	故家文獻
泱泱大風	蓬門卓尔	世業克充
言直行果	節劾匪躬	支撐頤頤
致時之雍	賈志雖歿	留名則鴻
中奉矯矯	戢彘大蓬	存亡惟義
表我孤忠	子孫昌熾	為報則豐
神川力學	洞聖心胃	明理貫道
匪文奕工	玉佩瓊瑤	大振辭鋒
道家學之淵流	會百川而朝東	章甫適越
惜不時逢	陰相同氣	先志恢洪
朱衣白簡	乘御史驄	何劉氏之多賢

試紬繹其始終	種德植善	無踰於農
立志務學	祿在其中	忠義仁恕
傳嗣弥縫	維人事之克盡	見天理之昭融
宜澤流渾水原	青蔚南山之峯	北邙之原
巋然新宮	世故牽率	匪忘祖封
是惟金百年文宗之簡		過者敬恭

大元故廣威將軍屯田萬戶
聶公神道碑銘

皇元以神道戡定區宇剪金取宋保塞一軍號稱雄
 勝帥閭堂堂節制於上亦由部曲宣力得其人故也
 况聶氏與蔡國張公奮跡布衣義同里閭依乘風雲
 奕世竭節者哉公諱禎字正卿世為定興沈陶井里

人曾祖洎大父皆在野不仕父福堅資豪偉善騎射
國初張公團結鄉義柵西山之東流塌選推為百夫
長從定河朔取汴蔡有殊績終襄縣屯田總管母夫
人段氏同里大家生四子公其長也幼沉鷲寡笑言
不作羣兒戲及長聰敏好學有謀略慷慨尚氣節年
十七嗣襲父職張公察其才武試以攻守之方為問
條對洒洒有成竝公愕然不復以向之吳下阿蒙為
昧歲丁未率木部分功立杞城堯阮宋人出沒以絕
侵軼之患繼攻泗州前後以功受賞有差己未扈
世宗皇帝渡江攻鄂渚拔整孤先登陷東南城堞都
督戰親覩壯其勇酌酒設賚以紀其功其年冬
命領兵迎援大帥兀良合反於長沙水陸轉戰備

嘗艱苦竟達漢陽由是望總轄仍佩銀符中統三年
賊璽叛公揮千夫長分圍雁城接戰嘗先諸道兵蒙
賜鏐馬俾激士氣璽平遂南城荆山至元六年真授
千戶易以金符是年

朝廷進軍襄樊公屯守鹿門甚力至元七年行臺命
公將番漢馬步三千人取新興寨公曰彼眾而恃險
我客而力不一惟當神速掩其不備可成功尔遂一
戰而克斬馘不勝計生擒者七十人賞楮幣四千緡
至元十二年分隸元帥孛魯歡收連海淮安等州宋
守將許安撫者陳璘曠五百艘以俟公帥麾下直擣
之許少却水陸乘之彼軍大壞殺死溺水者十七八
盡獲其戰艦器仗帥府上功

旨陞武節將軍繼攻下招信泗州階進宣武時孽宋
已亡江西湖廣皆內附獨靜江恃其險遠旅拒
上以彘軍素精銳戰必勝攻必取命摘全軍進擊至
貝賊勢披猖公率猛士深入殊死聞首奪西南城堞
衆隨之以進城陷捷聞加授顯武將軍行軍總管桂
境雖平大兵後所在草寇竊發充斥山谷間為良民
梗衡山茶陵尤稱攘搶帥稔公威名烜赫摘諸翼
兵千人往平之公窮竟窟穴夷扶根株其脅從汙染
者論歸田畝井邑安堵軍無私馬所在老幼擁馬首
泣拜曰非公活我吾四縣遺民二十餘萬無唯類矣
其戢禍亂威愛兼濟有古良將風既而蒙古漢軍都
帥張侯以公部曲故家屢立駿功請於朝復旃將佐

十七年從張侯入覲進拜明威將軍彘軍副萬戶仍
賜錦袍一襲旌宿勞也俾鎮建康尋移維揚十九年
遷充江淮都轉運使二十五年改任廣威將軍大都
屯田萬戶一載間區畫營屯耕稼有法比前政收穫
為倍蓰二十六年更授右翼萬戶田旌閔閔有方屯
曉唱之樂至元廿六年三月十六日以疾卒於官享
年六十有二葬祖塋公資外嚴毅內廓如也孝於事
親忠於為國出天秉固然治軍旅號令嚴明部伍整
肅臨陣抗敵挺身決戰略無顧惜故每戰有功聲名
烜赫暇則讀書不輟左氏傳通鑑戰國策皆通大義
古人良法美意竒計偉畫涉獵融會多見諸行事方
經略南服母夫人陳氏尚在堂公廼心王事不遑暇

然遺親之念未嘗置頃刻也一旦心神內動泚流被面曰豈吾親有故動於彼而應於此耶即請歸覲比至太夫人喪尚未斂公攀號屢絕痛其終之無所存活克襄大事鄉里感嘆為平昔孝誠所致夫人郭氏同縣南王里人溫純恭謹奉事老姑怡順進退不敢自專年踰四十夫貴子長應對門內事尚以名稱姑病早暮侍養不少懈倦湯劑必嘗而後進及亡朝夕廬祭者三周歲宗党號曰孝婦待妾媵有恩礼略無嫉妬子一十一人長曰惟義承父爵右翼屯田萬戶次日惟謙峽州夷陵尹曰惟明閭門宣贊舍人曰惟孝惟爵仕皆郭出也余幼未名女四人俱適望族元貞建號之二載冬十一月惟義踵門來請曰自惟

無所肖似尚賴先世遺澤嗣守緒業朝夕惴惴愧無光揚惟是鑽石紀銘表諸神門圖報萬一稔聞翰學先生學古詞達當代將相家皆有煩於下執事倘得銘則為不朽矣中統建元余應召中省獲識蔡國父子及提憲河朔即山雞水之間亦嘗巡歷載惟疇昔雜次其件右而繫之以辭銘曰

大夫挺志

無先外事

况乎戰陳

聖所慎矣

不有諸內

孰形於外

橫戎秉彘

克作其氣

惟燕南陸

聶宗兩系

奮從雲雷

以功名憲

侯不封萬

志焉固遠

報之後人

福祿何既

桓桓廣威

克昌再世

曉暢戎機	蔡國首器	發繼指歎
俾展其翼	橫戈長江	斬鯨蒼海
萬竈同心	雅歌奏凱	長驅靜江
指顧摧敗	草切虫如	肆為民害
玉石既分	善良攸賴	笳鼓歸來
旌旆揚彩	酬功進爵	大蒙天賚
高大門閤	御閣嘆曉	不知其中
大本有在	子曾百言	曾而不礙
篤孝惟移	化而忠義	公於臣子
存沒無愧	巨川騰波	即峯聳翠
片石干霄	千古光配	

大元奉聖州新建永昌觀碑銘 并序

奉聖本秦上谷郡地唐始立新州石晉割略於遼更
 今名亡金陞武定軍節度今雖為州當兩都往來之
 衝其地望尤重於昔雲山環抱川流交貫樹藝茂盛
 有中土清淑之美風俗雄碩樂施而好善蓋燕雲習
 尚氣義而然也據治城東南里許有道觀曰永昌其
 初祖寂然子張志玄隱微世居河東之孟門縣越自
 髻鬢歆挹真風從平水景鍊師為全真學統長正一
 法籙亦稱精究貞祐南遷所在做授聞長春丘公應聘
 龍庭師喟然嘆曰天道在北吾將遠游雲朔庶有遇
 合聿隆道紀至永興之清樂柳愛其山水幽勝遂結
 茆而居凝神坐忘志趣叵測謁漿之家咸異之曰彼
 其中必有兩得豈徒然哉由是風動一方日奉香火

羅拜菴前聞有請必恍然開悟乃相與選勝得獨山
中水頭地起建琳宇處師為上賓榜曰迎仙尊顯之
也師佩上清三洞靈章主盟武定者幾廿載前後化
度門人甚衆惟吳張盧三法師得其要妙而吳在伯
仲為最寂然謝世藏觀南化臺吳號通玄子氣貌魁
偉志行誠篤體含妙用動達玄機寂然師知為受道
器常勉之曰汝舉止異常言論卓犖通文辭知醫藥
恐驚翔鶴翥終非草野間物寂然既終行緣城市人
或叅扣誦答如流有一鉢千家飯渾身百衲衣心如
江月朗情似野雲飛之句其胸懷洞徹如此加以符
水療疾隱痛隨愈衆驚異有有道目之達官豪右共
來敬禮至有得望其丰采而為幸者闔境尊信法緣

契合遂易止金劉太監別墅為棲真所中有亭崇臺
層檐為一境偉觀即改亭為殿奉三清辟容下逮齋
厨庫廩以次修舉署曰永昌與迎仙為上下院自是
徒衆雲集檀越之家設醮筵而徵冥福求符藥而濟
灾疾者憧憧而來曾無虛日鐘磬之聲隱然聞於市肆
間永昌琳觀為一方名勝道俗歸依之所矣通玄仙
去寧神於永昌之南以後事付上足弟子虞法師師
行業修潔和光同塵心存濟度多蒙藥惠補治遺缺
而觀之規為始克完具以推擇克玄門道錄虞寂陪
葬師側其徒崔志善踵而增飾之崔沒盧法師以道
錄來住持馮傳之門人李道素道素姿樸實惟恐過
逸前光內則起廢寮舍外則增置田圃朝夕齋戒載

勤頌禱望高羽流擢判管内道門事迺惴惴不遑曰
向上師真剗心勞神披荆榛掇瓦礫鋪敦教基吾輩
何有坐享其安惟是刻石紀行俾見興建本末庶垂
不朽來丐銘予以道不同不相為謀牢讓者再請益
堅乃酌取大方家見於吾儒之紀載者論次而銘之
後世所謂道家者流蓋古隱逸清潔之士矣巖居而
澗飲草衣而木食節欲以清心修己而應物不為軒
裳所羈不為榮利所怵自放於方之外其高情遠韻
凌煙霞而薄雲月誠有不可企及者自漢以降處士
素隱方士誕誇飛昇煉化之術祭醮禳禁之科皆屬
之道家稽之於古事亦多矣狗末以遺其本凌遲至
於宣和極矣弊極則變於是全真之教興焉淵靜以

而 行翕然從之實繁有徒其特達者各
牖日名其家若寂然師弟弘行博濟教行山北是
是也耕田鑿井自食其力垂慈接物以期善俗不知
誕幻之說為何事敦純樸素有古逸民之遺風焉而
復昇授得人顯揚斯在是可書定安之白雲觀盧法
師建永興之觀張法師建興永昌同一法眷也銘曰

道之大原

玄文五千

慈儉不爭

清靜自然

辭固奮激

至理無邊

修道為教

由是之焉

全真為學

本乎善淵

返純還樸

復太古天

究其源委

豈忘蹄筌

寂然出世

私淑其傳

雲翔俗勁

聞善易遷

坐忘感化

孰分後先

傾心信嚮

克興大緣

絕塵而下

復得通玄

化行城府

重闡法筵

一時景仰

道履翩翩

香火奔走

先業昭宣

燕處有室

耕鑿有田

遺我後人

基緒縣縣

門人繼承

持守拳拳

光揚有例

刻銘瑤鍋

流光遺烈

斯萬斯年

大元故正議大夫浙西道宣慰使行工部

尚書孫公神道碑銘并序

雲西風土雄碩龍山峻極為之奠焉渾流交貫神川
清淑資其潤焉故士生其間有瓌奇宏傑之稱而劉

雷為之冠焉然山川炳靈奚間今昔况河洛為帝王

之里并汾多攀附之臣儼景風雲依光日月者哉若

乃始以才技有光世緒終則挺輸忠蓋作時名卿安

榮福壽慶流後裔者誰乎故宣慰使工部尚書孫公

其人也公諱公亮字繼明世家渾源橫山里曾祖諱

伯大父諱慶文咸勤力務本不耀其光顯彌諱威為

人跣跣不羈早以功名自意少有巧思肆函人民業

繕治堅密出新意於法度之中方

大祖皇帝聖武經略中夏總攬豪傑貯除戎具為急

廼挾所業投獻上賞其能應時需賜名也可兀闌

錫佩金符克諸路甲匠總管

太宗朝從征秦晉惻民被屠戮屢以蒐簡工匠為言

賴全活者衆顯妣杜氏主內務有綱紀嘗辦雪工徒
貨逆之誣因之脫死公生漠北年十許歲總匠君挈
之入覲

太宗異其風骨曰此兒他日必大享用蒙賜御饌自
是得出入禁闥矣及長資英明多藝能慷慨有大志
練習國典通曉譯語所交皆一時豪俊衆亦以通
材許之庚子歲襲父職佩銀符

定宗朝換金符歲進課精例賜錦幣

憲宗特賚貂裘仍勅繼稱父賜名

世祖皇帝在潛邸上命歲輸百鎰有中七矢而不
貫者其堅完如此及南征果獲用中統建元授都總
管上北征駐昔沒敦公出私財置甲冑六十襲以

天顏喜甚錫銀笏

忠甲

命領諸路雜色一奏

四十妻工之鰥者

歲支衣糧贍濟不給局廩給自此始又考制度定

程式作諸路恒法公自承嗣選材下招亡恤弱出

私財以代公費獲而軍興蒙賞進秩可謂

盡心所事克以人材抱負論之于將補

寶鼎枝車未膺所用有鬱鬱不能自己者至元改元

朝廷清明治具畢張公上疏抗言宜設御史臺肅正

紀綱雖不能有符士論偉之五年憲府肇建特拜監

察御史官忠翊校尉上諭大夫塔察公曰他人則

未之識如也可兀闌朕熟其忠廉宜與汝共事時官

僚極一時之選較夫多識朝廷故事洞達諸色情狀

材氣足以投赴事機威望可以懾服豪猾在公無以
踰此一日職與志愜思明目張膽鯁言無忌仰答恩
遇是風生白筆氣凌霜簡論列無虛日時宿衛鷹
房待城社頗縱恣在他人弗措手者公優為之如
上時門強奪民物東安州縱馬馳嚙食桑棗甚
至砍伐為薪公痛繩之以法至強畏避上聞而
以目之 年考滿憲長奏公自供職無點水私至
絕 飲風稜銛利刺督切中裏行無出其右
時選擢正為此爾可再任俾矜式新進者既
而察 為外事 還西川行者冒支楮幣二萬餘定
之義為 役兵士治第採薪至被虎
五十仍奏治其罪十

年夏宣授金符武德將軍簽山東東西道提刑按察
司事至則務實用顯效張皇憲度故材廉者必薦姦
貪者必置于法州郡惴惴奉約束惟謹褰帷具瞻有
風動百城之目東平路監尹出賞戚簡重自居監司
官至郡未嘗相覲聞公來按部迎謁境上糾治豪縱
不法者十數輩曾無一語護援及去復伸餞禮博德
高唐耆老炷香于頂來迓曰自立憲司未覩稱職如
公者我輩獲安田里受賜多矣其威望顯著吏民畏
服可知已十二年陞山北遼東道提刑按察副使遼
東境土曠遠諸王營帳洎諸部種人雜處其間恃勢
相凌為申嚴法禁革去宿弊豪強斂迹小民氣得少
伸分司遼陽親王近侍五人劫居民資用且毆擊之

有司不敢究民來訴即械五人徇通衢王諭釋其罪
竟杖決之灤水濶而雜砂石自昔無津樛命造荆絡
貯碎石為柱以成橋倣此建者百所自爾遼右免病
涉之苦十三年進階朝列十四年春陞授中順大夫
彰德路總管分佩金虎符惟相當南北衝會民物繁
夥自昔為河朔名郡然政務煩重視鄰路為倍蓰公
諳練政體材地有餘當王事奎集訟牒交至泛應曲
當不失時措之宜平生遇事有為一旦重膺民社迺
究竟利病俾實惠及民以三事躬請於朝其一比歲
霖潦傷稼民多闕食准免逋稅九千七百石其二諸
郡輸運取道本路徵發車牛越廣平抵順德往還餘
五百里非惟偏倍恐民力不堪蒙以廣平之磁州代

焉其三本路稅粟歲輸大名秦家渡由唐宋渡河東
南行百五十里歲晏寒冱車人告病聽於唐宋倉輸
納前政貸民資五百餘定起新附軍營舍至是亦給
公帑邢民李閏六嘗殺人累問弗伏于證餘百人移
公推密廉其實遂伏辜餘得釋時以神明稱終更相
人懷思至琢石頌焉江浙平上諭中書省造作事
重當選能者主之十六年冬授正議大夫浙西道宣
慰使兼行工部事籍人匠四十二萬立局院七十餘
所每歲定造幣縞弓矢甲冑等物十八年上命左
丞相阿剌罕等征日本給辦艤艦戰具繕製堅完都
將以聞上曰也可兀闌豈有誤耶二十年十月來
朝大為上所獎諭賜宴於便殿二十二年授江西

等處行工部尚書上章致仕閒居清苑每風憲洎臨
民官來質疑必告以益國便民之方二十四年九月
觀上於朝殿上念世臣之舊問年今幾何居某
處子孫幾人奏對畢賜食俾坐於御榻之西上遣
大府卿納里忽問曰飲飲飽未復賜鹿羹白酒沾醉
而出大德元年子拱總尹大同奉公與夫人張氏還
鄉里時公及夫人壽俱高日與親友相飲宴鄉人榮
之改渾源西北山曰畫錦有司亦用名鄉四年正月
廿九日以疾薨於私居之正寢享年七十有九遺訓
子孫勉力忠孝少不及私二月十四日歸葬於渾源
州西劉村先塋之次送葬者數千人哭聲聞數里外
蓋平生感懷於人者如此夫人張氏梁氏皆出名家

張氏終於四年秋壽八十有四梁氏先公沒子三人
拱資誠實材果純孝力學由工部侍郎陞授少中大
夫大同路總管兼府尹奉路諸軍與魯總管管內勸
農事撤武畧將軍武備寺丞振忠翊校尉定海縣尹
女三長適安平縣尹趙襄次適李氏劉氏孫男四謙
襲世職從仕郎保定等路軍器人匠提舉次早世諧
承直郎利器庫提點誼進義副尉保定等路軍器人
匠提舉孫女三適趙氏王氏次幼曾孫男一猥頭曾
孫女三長適李氏餘幼公儀觀魁偉器量豐閱美鬚
髯容色莊厲嫺習時體譯語闡翻雜以談詠顧國種
貴卿無以易其論到公朝集議寮屬處正奉公詞情剴
切毫髮不假借善為鈎距能得小人根株窟穴似夫

古之能吏才大夫至於奉上忠事親孝交友誠雖位
望顯赫循循謙讓退然如無能為者齊家教子敦篤
義方循尚禮法又似夫齊魯貢行之士生平疾惡由
義激忠其心休休樂善成美出於天稟粹厚放良臧
獲百餘人貸貧民子錢七萬緡宜其三任風憲位正
總尹丕張世守官造六卿剛直有守允協士論忠勤
無間簡在 帝心福壽綿延子孫衆多家門隆盛雖
曰依乘亦由平昔操履感召有以致然也可謂材德
具備勲名兩全哀榮終始者矣嗣子拱以墓碑來請
因憶至元戊辰憲臺初立公與不肯同擢御史引見
世祖皇帝在廣寒殿自爾議事松廳聯鑣馳馬義氣
交孚相得為甚惟後借官於相迨歲壬辰應聘北上

復私覲保塞追叙契闊當時並峨豸冠今所存者獨
吾二人公又奪去僕雖老忍無一言耶既叙梗槩仍
系之銘銘曰

雲龍奮飛西北天

神武載造坤與乾

有來羣后旋戎軒

所在戈甲相周旋

孫侯扶枝善達權

賜名訓徒畀任專

函惟杆格貴弗穿

函雖多樣公發源

犀兕七屬光生烟

上為嗟惜賞世延

風雲儼景同翩翩

執藝諫請多活全

臧孫有後理固然

公其挺生鍾世賢

嗣興遺緒心彌丹

鯤化躍出天池淵

豸冠執法班朝端

憲綱未舉為進言

太微一夕光星躔
忠臣憤激同鷹鷂
上目剛直由孤騫
地廣物衆牙孽間
積弊一鏟摧邪姦
煌煌金節臨漳垣
侯伯正位務固繁
吏惟寬慢猛則殘
上請三事民力殫
橫歛追給公府錢
江浙平一俗巧僮
共工汝賢常伯聯

朱衣白簡相後先
秋風搏擊無空拳
青齊遠碣海岱連
綉衣風采何翩翩
耻令張趙出吾前
霜空霽嚴正春妍
剗裁錯節驚龍泉
要本實惠蘇民編
轉輸省便逋賦蠲
去思有頌德化宣
訓授程課需世官
工局染院勞次銓

歲時供億物利堅
聖皇眷顧稱忠愍
功成身退名節完
作牧鄉郡意所便
世期福壽方綿綿
停雲苒苒橫之巔
神遊悽斷招來篇
乘時樹立孰敢肩
鬱鬱紫氣衝斗邊
英聲並與斯銘傳

一朝上章遽引年
嗣侯亞卿請外遷
錦衣榮養白晝鮮
丘山零落館舍捐
時有白鹿馴其阡
自昔豪傑誇雲巔
千年鄴劔埋神川
何以驗之瑶有鐫

秋澗先生大全文集卷第五十八



臺灣國家圖書館, NATIONAL CENTRAL LIBRARY, TAIWAN, R.O.C.



秋澗先生大全文集卷第五十九

碑

大元國衛輝路創建三皇廟碑銘

衛之廟祀三皇權輿於

國初醫家者流因城隍祠右故壇屋而像之庸申歲時瞻仰之懇然位置迫隘規制卑陋不足以妥靈揭虔為神明觀府監尹答失帖木兒顧其如是蹶然於中私自念言當尊而侈大之心有所在而時則未遑也伏承

登極詔條聖帝明王守吏致祭廟宇傾圮官為修葺至大德庚子歲夏仲祠部頒降三皇禮秩以春秋二時享獻蓋宗本醫學拯恤元元也而昔構不稱安能

